

理藩部奏內外館監督任滿請 旨可否裁撤摺

竊查內外館監督向係一年任滿由臣部咨取各部郎中員外郎都察院給事中御史帶領  
引 見請 旨簡派歷經辦理在案茲據現任內館監督晉榮外館監督忠廉面述現

在內外館監督職任今昔情形不同無事可辦應如何變通之處希即覈奪等語臣等詳考  
遠年蒙古王公來京該班分住兩館地界之內設立監督二缺意本於此而監督之執掌為  
稽察彈壓是其專責也迨後以來蒙古王公來京者均不在館居住或自有府第或租賃民  
房相沿日久體察蒙情率皆稱便惟內館原在東交民巷由庚子以後劃入使館界內外館  
係在安定門外該蒙古王公既經多年不住兩館散居各處尙屬相安今若強令集居館地  
不獨有拂蒙情轉非 朝廷體恤藩封之意則是該監督所述實係無從稽察無可彈壓幾  
同虛設與臣等體察情形大致相同所有內外館監督二缺可否裁撤抑或仍照舊例更換  
之處伏候 欽定祇俟 命下臣等敬謹遵行謹 奏請 旨奉 旨著裁撤欽  
此

東三省總督徐奉天巡撫唐會奏開辦各級審判廳情形摺

光緒三十三年五月二十七日奉 上諭各省按察使改為提法使分設審判廳著由東

內 務

理藩部奏內外館監督任滿請

旨可否裁撤摺

一百九十三

戊申

內務 東三省總督徐奉天巡撫唐會奏開辦各級審判廳情形摺

一百九十四

三月

三省先行試辦等因欽此仰見我

皇太后

皇上勤求治理矜慎庶獄之至意臣

等遵卽督飭署提法使吳鈞體察奉省情形切實通籌次第規定於本年<sub>丁</sub>八月二十六日將酌擬提法司衙門及各級審判廳官制職掌分繕清單具奏欽奉 諭旨交法部大理

院議奏在案伏念中國刑事向由地方官裁判惟職務甚煩往往聽斷不慎百弊叢滋今改章伊始獨設法庭自應組織機關以期推廣況奉省爲 陪都重地尤當從速創辦樹厥風

聲臣等謹按照法部奏准直省各級審判廳官制並奏定京師高等以下各級審判廳試辦章程先行試辦惟奉省地方遼闊舉行伊始普及維艱擬先於奉天省城設立高等審判廳一廳於奉天府設立地方審判廳一廳於承德興仁兩縣地方按巡警區域分設初級審判廳六廳各廳均附設檢察廳俟辦有成效再行逐漸推廣應用聽署自應從新建築以合制度但當此百度維新需款浩大又值隆冬不便興作擬暫借宗人府兩翼公所改設高等審判廳就奉天發審局改設地方審判廳其初級六廳均暫附設於城鄉各巡警局迨款項稍裕卽行另建至於各廳管轄權限高等掌審理全省上訴案件惟各屬尙未徧設審判廳人民上控者尙無已結未結之限制若不劃分界限則階級錯亂臨事必致紛歧今擬已設審判廳之處自應照章定級未設審判廳之處則凡上控各案已經該地方官訊結及應提審

者概歸高等審理未經訊結及不應提審者由提法司分別批令該地方官秉公訊斷奉天府所屬共十二州縣距離過遠管轄難週今擬地方審判廳只審理承德興仁兩首縣地面民刑訴訟之不屬初級者一以爲將來府不轄縣之規畫一以爲人民赴訴之便利初級六廳各按本區域內管理該廳應管之事自各廳成立之日起凡屬承興兩縣管轄之處除行營發審係屬特別裁判暫仍其舊外其餘民事刑事案件悉歸審判廳管理奉天府承德興仁兩縣卽不接管訴訟其未結舊案在兩縣呈訴者歸地方分期接收在奉天府上控係兩縣界內者亦歸地方接收其不屬兩縣者概歸高等接收遇有招解勘轉等件係審判廳之案卽由各該廳逕行解司解院不必由上級審判廳轉解係各州縣之案仍照舊例辦理蓋造端不慎則難期次第推行管轄不明則必致事權凌亂以上分配廳位改設衙署明定區域劃清權限各辦法經該署司逐條妥擬呈明臣等復飭承宣諮議兩廳悉心核議始克就緒惟是司法機關處處與人民直接非得廉明精練之員不足以資倚畀故任用法官較之他項人員倍宜審慎臣等先於奏咨調奉各員內遴派四品銜記名繁缺知府民政部外城巡警總廳行政處僉事許世英試署高等審判廳廳丞丁憂民政部外城巡警總廳司法處僉事汪守珍試署高等檢察廳檢察長大理院詳讞處分核丁憂法部候補主事蕭文華試

丙 務

東三省總督徐奉天巡撫唐會奏開辦各級審判廳情形摺

一百九十五

戊申

內務

東三省總督徐前署黑龍江巡撫程會奏江省請設司缺派員試署  
並陳變通辦法摺

一百九十六

三月

署地方審判廳推事長民政部外城巡警總廳六品警官廖世經試署地方檢察廳檢察長其許世英廖世經二員應請暫留原缺原俸以示體恤並飭該署司隨時督同各該員等妥慎辦理此外熟諳新舊法律及於審判事理確有經驗者不分京外實缺及候補候選或係奏咨調用或係留奉當差人員均經切實考查詳細甄擇由該署司呈明臣等札委分派各廳以備任使至初級各廳檢察官即分委各巡警局之巡警官暫行兼辦一可以節省經費一可以實資補助部署既定遂於十二月初一日一律開辦茲據該署司轉呈前來臣等伏查奉省地曠人稀易滋奸宄命盜重案層見疊出又風氣不開民情頑健間有不肖官吏利用其執法行私之伎倆恣爲奸貪久則習若故常毫無顧忌案牘之積壓胥吏之騷擾更無論矣此吏治因循民生困苦所由早在 聖明洞鑒茲值司法獨立實行之始種種積弊自應掃除廓清雖成效未易驟期而精神已爲一振況奉省交通便利將來法律改良可以鞏固憲政新設各廳當爲嚆矢開辦以後如該員等果能勤慎盡職再行開列銜名請旨簡授並分別奏請補署咨明吏部法部立案以昭慎重其有未盡事宜仍由臣等督飭該署司率同該員等隨時斟酌以期妥善謹 奏奉 硃批著照所請該部知道欽此

東三省總督徐前署黑龍江巡撫程會奏江省請設司缺派員試署並陳變通辦法摺